



REPRIEVE

BILTEN PATISIPAN



REPRIEVE ak COVID-19 Sante patisipan REPRIEVE yo gen yon enpòtans kapital pou Ekip Etid REPRIEVE la.

Pou ka jwenn dènye enfòmasyon sou REPRIEVE ak COVID-19, tanpri ale nan sitwèb nou an nan www.reprietrial.org.

Yon mesaj Dr. Steve Grinspoon ak Dr. Pam Douglas, Ko-Envestigatè Prencipal REPRIEVE yo ap pataje

Akyèlman esè REPRIEVE la ap antre nan 5yèm ane I depi I ap kolekte done. Sa nou pral aprann, gras a patisipan REPRIEVE yo, sou maladi kè, ka gen yon enpak sou moun k ap viv ak VIH toupatou nan lemond. Ou ta dwe santi w fyè pou konnen w ap pote yon gwo kontribisyon enpòtan k ap gen yon enpak pandan plizyè ane k ap vini yo sou etid sou maladi kè nan moun ki gen VIH atravè lemond.



Patisipasyon w Enpòtan!

Byenke gen anpil patisipan nan REPRIEVE, patisipasyon chak grenn moun ekstrèmeman enpòtan. Lè w patisipe nan REPRIEVE epi w akonpli tout vizit etid yo, ou kapab pote yon kontribisyon enpòtan nan konesans nou genyen sou VIH ak maladi kè ki ka bay avantaj k ap dire pou jenerasyon w lan ak pou jenerasyon moun k ap viv avèk VIH yo alavn.

Pa blyie!

Di anplwaye etid REPRIEVE yo si yo te preskri w nouvo medikaman depi dènye vizit ou nan etid la. Konsa, y ap asire ke w pa p pran okenn medikaman ke yo pa otorize etan w ap patisipe nan REPRIEVE.



Rankontre lòt patisipan REPRIEVE yo!

Byenke gen plis pase 7500 patisipan nan REPRIEVE toupatou nan lemond, chak Patisipan REPRIEVE inik!

Fè konesans ak Marcus Conway, ki nan College Park, MD, USA

Marcus ap viv ak VIH depi plis ke 30 lane. Misye pran tan pou I pwonmnén chen I yo epi misye aktif nan kominote kote I rete a. Li vreman kwè ke pou yon moun viv lontan ak VIH, se pou I pran medikaman I yo jan yo preskri yo, manje sa ki bon pou lasante epi fè aktivite fizik.



Marcus te ede fòme ak jere gwoup sipò pou lòt moun k ap viv ak VIH depi plizyè lane, e misye dekri tèt li antanke yon aktivis.

Depi anviwon 2 lane Marcus ap patisipe nan REPRIEVE. Li vreman panse ke pi bon bagay ki genyen lè yon moun patisipe nan yon esè klinik, sèke moun nan aprann plis bagay sou yon maladi. Misye panse difèt ke I patisipe nan REPRIEVE, sa pèmèt li vin gen plis konesans sou VIH ak prevansyon maladi kè. Li espere ke rezulta REPRIEVE yo montre ke moun ka evite maladi kè lè yo itilize yon medikaman statin.

Enfòmasyon sou REPRIEVE

- Jiska dat, REPRIEVE se pi gwo esè klinik kontwole ki fèt owaza pami moun k ap viv ak VIH! Ou fè patide esè istorik sa a.
- N ap selebre 5yèm ane depi n ap fè suivi nan REPRIEVE!
- Nan mwa jiyè 2019, yo te enskri 7770yèm patisipan an!
- Kounyeya sitwèb REPRIEVE la gen yon paj santral pou patisipan yo, kote w ka li sou sa patisipan menm jan avè w yo ekri epi w ka pataje istwa pa w ak REPRIEVE tou! Ale nan lyen sa a: <http://www.reprietrial.org/for-participants/>



Mèsi poutèt ou kontinye bay patisipasyon w!



Konsantre sou Rezulta yo:

Nou byen tande ke ou vle konnen kijan patisipasyon w nan REPRIEVE kontribye pou fè rechèch sou VIH ak maladi kè.



Etandone ke enskripsyon nan REPRIEVE konplè, enves-tigatè yo kòmanse pibliye rapò sou rekritman patisipan menm jan avèk ou nan REPRIEVE ak rapò sou eta sante patisipan yo lè yo fenk antre nan etid la. Ap gen plis piblikasyon sou done sa yo nan lefti, **pi ba a, w ap jwenn kè enfòmasyon sou fason nou travay pou n pataje rezulta nou yo avèk kominote a.**

Nou te pibliye yon atik ki eksplike metòd nou itilize pou n rekrite patisipan REPRIEVE yo nan *HIV Research & Clinical Practice*. Atik ki gen tit "Rekritman ki gen siksè nan yon esè klinik ki kontwole ak plasibo e ki fèt owaza nan plizyè sit entènasyonal pou moun ki gen VIH avèk atansyon patikilye sou divèsite ras ak etnisite: wòl kritik kowòdinasyon santral la" mete aksan sou gwo efò rekritman Clinical Coordinating Center ak Clinical Research Sites te fè epi li bay detay sou kijan REPRIEVE te rekrite plis ke 7,500 patisipan avèk siksè, ki fè li te vin tounen esè klinik ki kontwole ak plasibo e ki fèt owaza sou VIH ak maladi kè, jiska dat!

Nou gen lentansyon pibliye yon seri atik k ap gen **eksk-lizivman rezulta patisipan REPRIEVE yo**. Pami sijè ki nan atik yo gen modèl itilizasyon antiretoviral ak fonksyon

iminitè selon rejon global enskripsyon an, karakteristik klinik patisipan yo ke yo idantifye sou echèl transjanr lan, ak vyeyisman repwodiktif pamí fanm sisjanr yo. Lèfini ap gen atik sou komòbidite yo (kondisyon medikal anplisde VIH) ikonpri disfonksyonman ren, frajilate ak esteyatoz myokadyal (matyè gra nan misk kadyak la). Sa se sèlman kòmansman rezulta yo ke n ap kapab pataje avèk ou, epi tout soti nan REPRIEVE, esè klinik nan sa w ap patisipe a. Yon fwa nou fin pibliye seri atik yo, nou pral devlope kèk rezime an brèf pou n pataje avè w.



N ap prezante done nan konferans yo! Gen plis ke 600 pamí nou ki se patisipan nan etid **Pitavastatin to REduce Physical Function Impairment and FRality in HIV (PREPARE)** ki se yon etid pi piti yo fè nan REPRIEVE pou evalye enpak tretman etid la sou misk ak fonksyon fizik. Yo pran rezulta referans nan 266 patisipan anvan yo kòmanse tretman etid la e yo te prezante rezulta yo nan konferans 2020 Conference on Retroviruses and Opportunistic Infections (CROI).

Ekip etid la dekouvri twoub nan fonksyon fizik ak pre-frajilate te rive souvan pamí moun ki nan senkantèn yo ki gen VIH. Sepandan, yo dekouvri aktivite fizik ak endis mas kòporèl (yon fason yo mezire grès nan kò a) se dè faktè ki ka anpeche plis deklen nan fonksyon fizik nan vyeyisman.

Ki rapò ki gen ant mòd devi mwen ak tansyon m?

Tansyon wo se yon gwo faktè risk pou ensidan ki gen rapò ak maladi kè tankou yon kriz kadyak oswa yon konjesyon serebral (estwòk). Ou ka pa konn sa, men bagay ou fè ak manje w manje afekte tansyon w ak sante w an jeneral. Lè w fè atansyon ak sèten abitid nan mòd devi w, sa ka ede w bese tansyon w. Men sa w ka fè:

- Manje mwens sèl (sodyòm), kidonk manje vyann ki fre olye pou manje vyann ki deja anbale, manje fwi ak legitim fre olye pou manje fwi ak legitim nan bwat konsèv.
- Limite sòs ki prepare davans oswa ki nan anbalaj, pwodui yo melanje ak pwodui "enstantane" tankou diri awomatize, paregzanp.
- Fè aktivite fizik pandan omwen 30 minit pa jou, pifò jou nan semèn nan – se kapab yon bagay fasil tankou yon ti mache nan katye w!
- Evite pran move abitid ki pa bon pou lasante tankou fimen. Si w se yon fimè, mande klinik ou, pwofesyonèl sante w, fanmi w oswa zanmi w ede w sispann.

Sous sodyòm (sèl) nan manje



N ap di esponnsò nou yo mèsi:

